

I. N. I.

D I S P U T A T I O X I X.
D E

S O B R I O P H I L O-

sophiæ usu in Rebus sacris ra-
tione objecti & modi cognoscendi;
nec non Abusu.

*Cum consensu Amplissimi Senatus in Regia
Acad. Aboënsi,*

Adeventilandum publicè proposita,

P R Ä S I D E

E N E V A L D O S V E N O N I O,

Q. G. A. S. S. Th. D. & P. P. nec non h. t.

Univers. R E C T O R E.

R E S P O N D E N T E

I S A C O N I C O L A I W E D B E C K I O,

Smol.

Ad diem Feb. Anni Georvias 1662 in Audit.
inf. maj. boris ab 8. mat.

A B O Æ,

Impressa à PETRO HANSONIO Acad. Typ.

VIRIS

Generoso & Nobilissimo, Reverendis & Clarissimis, Praudentissimis, Spectatissimis ac Præstantissimis,

DN. MICHAELI

Gyllenstalpe; Hæreditario de Jacola & Kerrenheem; J. U. D. & Assessori in judicio Regio Aboensi æquissimo, patrono meo magno, humilime suspiciendo.

DN. M. JOANNI

PRATANO, Pastori & Præposito in Rimito meritissimo, fautori, promotori ac Mecænati meo æternâ veneratione ætatem prosequendo.

DN. MAGNO CA-

NUTI WALÆO, Pastor in Mezékylå dignissimo, conterraneo & evergetæ benignissimo, ætatem colendo,

DN. PETRO Gersi

Academiæ hujus Quæstori accuratissimo, fautori ac promotori meo, quâvis observantia jugiter hono-rando.

DN. PETRO INGE-

MARL, Pastori in Thenalæ vigilantissimo, studiorum meorum promotori ac be-nefactori, ut & Patruo meo, omni observantiâ pluri-mùm honorando.

DN. SVENONI RY-

DENIO, Civitatis Abo-ensis Senatori ac Secretario solertissimo; fautori ac be-nefactori meo certissimo, perpetuò observando.

Hanc Exercitatiunculam Academicam, in accepto-
rum beneficiorum gratiâ memoriam, tum
etiam in spem amplioris promotionis, hu-
milime & officiosissime offero & dedico
Iac. Wedbeckius Resp.

Exercitatio Nona

312

D E

SOBRIΟ PHILOSOPHIÆ IN THEOLOGIA USU, CUM RATIONE OBJECTI;
TUM QUOAD COGNITIONIS MODUM:
NEC NON DE EJUSDEM ABUSU, BREVITER.

Propositio I.

ATq; sic tandem Dei O. M. ope ostendi, 'quām' sit Philosophia Theologiæ studioſo proficua respectu *Subjecti cognoscentis*, quod præparat; nunc, Deo duce, edifferam breviter, quo pacto est necessaria, cum ratione *Objecti cognoscendi*; quod illustrat; tum in ordine ad cognitionis modum quem adminiculatur. Respice Exerc. IV. prop. I. pag. 43.

II. 1. Objectum cognoscendum sunt *Res ipse* & materiæ theologicæ. Circa has autem duplicitè versamur; vel Theoreticè, vel Practicè; ad Theoriam spectat Διδασκαλία καὶ ἐλεγχός; ad Praxin verò ἐπανόρθωσις καὶ παθέα, juxta id, 2. Tim. 3: 16. Vel enim res satras primū apprehendimus ipsi, alijsve apprehendendas proponimus; vel contra Adversariorum strophas & sophismata defendimus: Vel mores impiorum castigamus; vel deniq; pios & modestos sanâ institutio-
ne & consilio erigimus & sustentamus, juxta illud alterum Pauli 2. Tim. 4: 2. *Insta, tempestivè, intempestis
nè, argue, increpa, exhortare, cum omni lenitate eò doctrinâ.* Unde & 4. numerantur perfecti Theologi requisita, nimurum, ut sit διδακτικὸς καὶ ἐξηγετικὸς, qui docere;

R. r

λεγχός

ελεγχτικος, qui refellere ac disputare; έπαραγωτος, qui redarguere peccatum, & παιδευτικος, qui admonere potest per sanam doctrinam. Ad singula conductit philosophia haud leviter.

III. α. Διδασκαλια occupatur vel in terminis simplicibus, vel in questionibus & conclusionibus integris. Termini simplices h. l. sunt vel Biblici, vel Ecclesiastici, h. e. vel extant in verbo Dei ἀντολεῖς, vel sunt à patribus juxta scripturarum διάφοροι usurpati. Illi sunt, vel Biblici tantum, ut Iehova, Spiritus S. Messias, Christus, Media-tor, Redemptio, Electio &c. Quorum formalis explicatio & intelligentia, non ex scriptis philosophicis, sed solo Dei verbo petenda est. Vel una philosophici, ad quorum genuinam interpretationem ac sensum indagandum philosophia plurimum confert; quippe quæ proprias voces satis accuratè novit explicare. Exempla Theoreticorum vocabulorum passim prostant: Gen. 1: v. ult. fit mentio Boni; Exod. 3: 14, Entis & existentiae; Deut. 6: 4, Unitatis; Joh. 8: 44, veritatis &c. quorum accuratam notitiam qui ambit, eum Metaphysicam consulere necesse est. Sic in cantico trium virorum in fornace babyl. & alibi, fit mentio firmamenti, cœlorum, aquarum supra-celestium, astrorum, ventorum, maris, pluvia, ignis, glaciei, grandiniis, roris, pruinæ, tonitruum, balænarum, avium, bestiarum &c. Quis autem de his accuratè ratiocinabitur, nisi in scholis Physicis enutritus. Quis itineraria patriarcharum & populi Israelicie, descriptionem terræ sanctæ, situm urbium, montium, fluminum, solitudinum ritè monstrabit? quis, quid sit Orion edisset, ac plejades Job. 38: 31, nisi qui Mathematicen didicit? Exempla vocab. practicorum hinc inde in verbo Dei compa-

comparent: Quoties fit sermo in Sacra Scriptura, de virtutibus, justitiâ, Temperantiâ, Liberalitate, Mansuetudine, alijsq; vocibus Ethicis? De rebus Oeconomicis item quoties? conjugio, marito, uxore, liberis, servis? pariter de Politici: Regno, Rege, Magistratu, subditis, ll. bello, pace, præmijs, supplicijs? &c. Quæ omnia in philosophiâ practicâ ænigmatib; intelliguntur & exponuntur.

IV. Ecclesiastici termini perplurimi sunt philosophici, E.g. Metaphysici sunt, Persona, Essentia, Subsistentia, Materiale, Formale, signum, signatum, abstractum, concretum, unio, communicatio, personalitas &c. Physici sunt, Locus & Localitas, penetratio corporum, facultas animæ &c. Practici sunt, libertas, arbitrium, Monarchia, Aristocratia &c. Taliter in διδασκαλίᾳ, quoad terminos simplices, juvatur theologus.

V. Conclusiones & quæstiones integræ, sunt vel mērè Theologicæ, & in Theologiâ natæ; vel i[n] sūnt p[er] se, & intrinsecè Theologicæ; ad hanc tamen doctrinam applicatae, simul ad eandem multum cognitionis afferunt: Sic peccati originalis propagationem quoad animam, nemo defendere ritè potest, nisi de origine animæ per Traducem ipsi è physicis constet. Et hujus generis sunt singulæ illæ quæstiones, quæ Exerc. 8. recensentur prolixè. Quæstiones tantum theologicis terminis constantes, soli sibi probandas & explicandas servat Theologia, quamvis juxta B. Meisnerum, quoad modum tractationis, quoad illustrationem à similibus, & quoad rationes secundarias, etiam in istis suus sit philosophiæ usus.

VI. Mixtæ quæstiones, quæ partim è theologicis, partim Philosophicis compositæ sunt vocibus, conside-

rantur 1. Ratione *sensus*, ad quem percipiendum conductit etiam ipsa philosophia, quippe ad intelligendum terminos domesticos obligatur sola ea disciplina in quâ sunt domi. 2. Ratione *probationis*, adeoq; sic ἡγεμόνες & primarij earum veritas è scripturis erit probanda, sed non nisi ἐπομένως & consequenter è philosophiâ quodam judicari modo potest, quid de similibus statuendum est problematibus. Quod accuratè laudatus Meissnerus adversus Keckermannum & Calvini socios reliquos observavit: nō enim normam decidendi tales quæstiones mixtas, etiam mixtam & geminam esse, Philosophicam nempè & theologicam, pari pietate sentiunt nostrates; ita ut argumenta confirmantia utrinq; eodem jure, eademque autoritate adduci posse putent.

• VII. Quàm verò erronea sit ea sententia adversariorum, vel unico potest demonstrari exemplo: Quæritur, *An humana natura Christi sit omnipræsens?* Ubi, quid homo, quid natura sit, quid præsentem, quid esse in loco, philosophia quidem quodammodo exponit, h. e. de extremorum naturâ scorsim; quoad terminos proprios sollicita esse potest; de extremorum verò cohærentiâ, *an* scilicet *præsens dominium in pluribus locis, verè attribuatur corpori Christi?* sola Theologia, quæ utriusq; termini habet notitiam, imò causam connexionis subjecti & prædicati sola novit, infallibiliter, ut ajunt judicare potest. Quia verò SS:a expressè Quæstionem affirmet, ratio obmurmurans verbo Dei, compelcenda est, & Hagar impatiens imperatrici Saræ subiectienda.

VIII. Β. Ἀσύχρονa, seu expedita adversariorum refutatio, non minori philosophiæ subsidio opus habet, cum respectu præparationis & modi refutandi, ut supra innue-

innuebam; tum quoad refutationem ipsam, ut ē quæstionibus supra allatis liquere potuit. Quemadmodum enim Pontificij, & Sociniani, alijq; his similes, suā abusuntur Ratione, ad invertendum, detorquendum, mutilandum & confundendum, adeoq; totaliter corrumpendum SS.æ textum originalē, ejusq; genuinū sensum; Calviniani verò, Arminiani, alijq; abutuntur suo intellectu & cœcâ mente, ad præjudicandum veritati cœlesti, quibus nil antiquius est, quam summos articulos fidei metiri juxta naturam finiti, conditiones proprij, qualitates corporum naturalium &c. Ita intellectum sobriâ rerum philosophicarum cognitione instructum, ad ineundum cum ijsdem in Theologiâ certamen, afferre, haud ē re, aut inconsultum arbitror. Hinc *Iulianus* Apostata, quantum foret philosophiæ usus in profligandis Hæresiow & falsorum dogmatum assertoribus, probè meditatus, iusfit Christianorum Scholas claudi, cum hâc mandati clausulâ: *Proprijs vulneramur pennis: ex nostris armati conscriptionibus contra nos bella movent,* teste Ruff. L. 1. q. 32.

IX. Postquam verò *Iulianus* Scholas prohibuisset, ne philosophiam Gentilium addiseerent, eosq; inde jugularent Christiani, successor ejus *Jovinianus*, lectionem gentilium lege sancivit; ideoq; differit *Socrates* L. 11. Hist. Eccl. c. 14. Libros Ethnicorum legi posse, varijs adductis rationibus, ubi inter alia: *Adde abhuc, ait, quod tūm Christus, tum ejus Apostolus præcipit, ut exquisiti numularij simus, quo omnia exploremus, quod autem bonum sit retineamus, attendamusq;* ne quis nos per philosophiam & inanem Fallaciam decipiat, istud autem nobis neutiquam contingit, nisi hostium arma possideamus, niq; possidendo, non eodem modo, quo hostes simus affecti; sed reiçiamus quod malum est, quod

autem bonum, verumq; teneamus, nihil admittamus, quod non sit exploratum. Nam honestum quocunq; fuerit loco, est veritatis proprium. Quanquam autem hæc ita sese habeant, sobriè tamen consulente Magno Calovio, Tom. II. Theol. pag. 64: prudenter & parcè adhibenda gentilium scripta sunt, quemadmodum in toto codice biblico, non nisi tria dicta Ethnicorum citata sunt, nec vel æquanda, multo minus præferenda verbo Dei; vel, aut pro verbo Dei venditanda, aut cum eo confundenda sunt. De triplici illa sententiarum gentilium citatione ita loquitur B. Hieronimus Tom. II. operum pag. 326: Sed & Paulus A. postolus Epimenidis poete abusus versiculo est, scribens ad Titum: c. I. 12: Κρῆτες ἀγαπέτει, κακὰ θηρία, γαστέρες ἀγράται, qui versus integer hexameter est) in alia quoq; Epistola Menandri posuit senarium (1. Cor. 15: 33. Φθείροιν θηρί, χρήμα δικιάς κακάς) Et apud Athenienses in Martis curiā disputans, Aratum testimoniū vocat Act. 17: 28. Ipsius & genus sumus. Duo dactyli cum spondeo in fine versus hexametri &c.

X. Dices: Scriptura S. est principium unicum, & medium primum ac princeps dijudicandi controversias Theologicas, ad quod ergo tantoperè philosophia conducit? R. verbis B. Meisn. part. I. Phil. S. p. 30: Est philosophia instar palladij, quo amissi, Troani Milites, Gracorum exercitus non tam felicitè abigere & in fugam vertere potuerunt. Ita quamvis veritas doctrinæ orthodoxæ sufficienter ex sola & unicâ scripturâ probari possit; attamen quia tela adversariorum, non ex scripto Dei, sed ficto rationis depremuntur armamentario, hinc sit, ut ea non tam facile & dextre propellere queamus, si philosophie ignari extiterimus. Idem paulò post provehendæ suæ intentioni addit gravissi-

num Schegkij dictum, quod L. i. demonst. extat. hoc scilicet: *Ego quidem sic judico, tum demum fore quietas & beatas Ecclesias, si aut philosophi verè dent operam Theologiae, aut Theologi philosophentur pie.*

XI. γ. ἐπανόρθωσις & castigatorium munus in ecclesiâ obeundum dirigit prudentia politica: Est enim prudentis cum *Disputatoris*, sive scribat is aliquid adversus adversarios, sive loquatur; tum *Concionatoris*, ita calamum regere & lingvam, ne magis destruat quam adficiat: non enim omnes antagonistæ vel Auditores sunt ejusdem conditionis aut ingenij: quidam enim eorum morbi sanabiles, quidam incurabiles sunt, ideoq; nunc exasperatoria, nunc emollitoria medicinâ opus est: Nunc hæreticis & deploratis interminanda gehenna, nunc seductis & simplicioribus annuncianda pœnitentia, & pollicitandæ ac insumendæ preces. Hac libertate usus est Salvator noster, severè arguendo Pharisæos, Math. 23. Et fraternè corrigendo discipulos, paſſim. Paulus similiter usus utraq; ἐπιεικεῖα καὶ παθητικὰ 2. Cor. 10: 1. & 2. &c.

XII. Δ. παιδεία seu institutio, quæ planè rudes respicit, sive scripto fiat, sive ore, omnino eget bonâ methodo: quam tradit Logica, qui enim benè distingvit benè docet. Et quia etiam πράξις involvit, ut differat à διδασκαλίᾳ, adhortationes, nempè consilia & admonitiones, artificium quoq; Rhetoricum requirit; exemplis virtutum moralium imitandarum, vitiorum fugiendo rum, negotiorum in Rep. benè vel malè gestorum, cœconomicorum, aliorumq; ex historijs hinc inde suppeditatis, nunquam non promovetur ac preficitur.

XIII. ii. Modus cognoscendi res Theologicas ē disciplinarum philosophicarum cognitione multūm lessatur ac juvatur, adeò ut ea respectu etiam ipsius perceptionis loeorum Theologicorum oppidò prosit, quamdiu sobria & intra cancellos humilimæ subjectionis fuerit custodita. Etenim quamvis humana mens per naturam debilem admodūm habeat potentiam ad cognoscendum sublimes disciplinas, adeò, ut nisi excitetur & acuatur, difficultèr & ægrè ad rerum eminentium notitiam penetrare possit. Acuitur tamen omnium commodissimè ratio humana exercitationibus philosophicis, ut post modum verum distinctius precipere, falsum accuratiū deprehendere, & strophas fallaciasq; pravorum hæreticorum acutius refellere queat.

XIV. Dicis : philosophiam rectè informatam conducere percipiendis divinis mysterijs, annon etiam sic porta Pelagianismo & Majorismo panditur, & viribus humanis in negotio consequendæ salutis nimium tribuitur ? R. i. cum B. Meisu. Distinguendo inter cognitionem, & fiduciam cum assensu Articulis fidei præbitam Hanc quod attinet, novimus eam ex viribus liberi arbitrij nequaquam provenire aut pendere ; foretq; profectò pelagianum dicere Philosophiam ad fidem præparare vel disponere. Sequeretur quoq; Idiotas & literarum philosophicarum ignaros, fidem habere non posse, quia careant præviâ dispositione : quod utrumq; absit ! Nihil quicquam ergò Philosophia facit ad generationem fidei salvificæ, sed soli Spiritui S. per verbum operanti ea adscribitur. Illam verò h. e. Notitiam articulorum fidei intelligo, dico separatim etiam absq; fideli assensu posse existere, juxta id : Iac. 2: 19 Diaboli credunt & contremiscunt,

2. Furas quæstiones sibi soli probandas & explicandas reservat Theologia, quamvis quoad modum tractationis, illustrationem per similia, & rationes secundarias, etiam in istis, suus esse possit philosophiæ usus.

XV. Deinde ξύνης theologica, non modò quo ad modum interpretandi, qui ope instrumentalium artium perficitur; Sed quoad etiam res ipsas applicandas insigniter juvatur à philosophiâ: Quomodo enim alias intelliges historiam istam Gen. 30, quod propter aspectum baculorum discoloratorum, quos in canalibus bibituris ovibus unâ imprægnandis objecerat Jacob, omnes Labani oves maculosos & discolores foetus enixerint, nisi de naturâ & vi imaginationis ex disciplinâ naturali tibi constiterit? Verbo: Reddit Philosophia ingenium humanum in percipiendo expeditum, in confirmande accuratum; in defendendo ac refutando acutum.

II. DE ABUSU.

XVI. Abutuntur nobili & permagno hoc Dei dono, qui vel nimium Philosophiæ tribuunt, supra modum eam extollentes; vel nihili eam faciunt, detrahentes ei quod suum erat, & traducentes eandem tanquam Deo & honestati inimicam. 1. In excessu peccant, non solum Scholastici, de quibus Exerc. I. dictum fuit; sed & Calviniani, coeteriq; genuinæ veritatis hostes. Et quamvis varijs philosophia abusibus sit obnoxia, duo tamen primarij ejusdem abusus eminent, prior in Georophiar, posterior verò in Geographiar peccat, uterq; in Religionem verè Christianam.

XVII. 1. Georophia rectum de Deo sensum & accusatam anticulorum fidei notitiam complectitur & Cir-

ca sensum & notitiam Dei gravissimè errant, quicunq;
notitiam Dei naturalem & philosophiam, vel ad initia
fidei, vel ad fidem salvificam & salutem consequendum
æternam sufficere statuunt. Quales sunt 1. Qui apud
Tertullianum & Epiphanius, observante B. Chem
nitio in L. C. dixerunt, homines in primo millenario sal
vatos fuisse per legem naturæ, in secundo per legem
Mosis, nunc verò in tertio per doctrinam Evangelij. Et
solent plures allegari patres in hanc sententiam, quod gen
tiles per cognitionem Dei naturalem ad salutem adspi
rare potuerint. Verùm Dn. D. Hulsemann, ad prolixam
dissert. Vossij L. 7. Hist. pelag. quā nititur docere, pa
tres ferè contentos esse dicere, etiam gentes habere ali
quam revelationis vocationisq; divinæ mensuram, re
spondet, ventilatis plerisq; patrum dictis, Disp. 2. de Au
xil. gratiæ th. 16, negando illa liquido asserere gratiam
quandam supernaturalem, & ad æternam salutem q:
πατρὶ αγωγέσσειν, ante & citra verbi famam, vel prædi
cationem, omnibus hominibus ratione utentibus com
munem; & facetur, quædam loqui de intentione Dei: quæ
dam de aliquali gratiæ doctis & eruditis gentilibus tributâ:
quædam de Famâ Evangelij ad plerosq; perlatâ; quædam as
serere actualem illam universalis Dei gratiæ adhibitionem,
quando à prædicatione verbi initium fit, singula tamen
non excusat. Dn. D. Calov. cum alijs, observat de pa
tribus antiquis, vel 1. Quod per legem Mosis non præ
cisè decalogum, sed omnia Mosis scripta quandoq; in
telligent, in quibus etiam est promissus Messias. Vel 2.
Quod loquantur non de Medio salutis, sed de tempore,
cum meminerunt Legis & Evangelij, quod scilicet omni
tempore V. & N. T. aliqui salvari sint. Vel 3. Quod
suppoz-

Supponant communem Propheticam & Apostolicam cognitionem per famam ad gentes penetrasse. Vel. 4. Quod de vita solum externâ honeste institutâ agant. Vel 5. Quod rem oratorio modo amplifcent liberius. quæ loquantur, rectius sc̄e, ubi disputatores agunt, explicitantes. Ideoq; 6. Scopum sedulò esse intuendum, qui directus est, vel contra gentium πολιθεῖαν, etiam à sanctis Ethniciis improbatam, vel ad docendam universalem vocationem & gratiam, vel ad exponendum cognitionis naturalis finem, qui est manuductio ad Ecclesiam. 7. Cogitandum etiam, non dum ortis certaminibus securius fuisse locutos patres, quemadmodum notat contra Pelagianos ipse Augustin. L. 1. contra Julianam c. II.

XVIII. ii. Pelagiani, statuentes ante legem homines salvos factos esse per naturam, deinde per legem, postremò per Christum teste Aug. l. i. contra duas Ep. Pelag. c. i. & lib. de pecc. orig. contra pelag. & coelect. c. 26.

XIX. iii. Pucciani, contendentes omnes homines, antequam in adultâ ætate per naturalem malitiam degenerent, vi meriti Christi per naturalem Dei notitiam, esse in statu salutis, et si nominatim Christum ignorent.

XX. iv. Scholastici & Pontificij nonnulli, docentes non verisimile videri, Aristotelem demosthenem, Ciceronem, Galenum &c. Sempiternis supplicijs addici, ut ex Ben. Justin. in Rom. 1: 20 refert Calov. T. i. Syst. Th. p. 180. Quibus succenturiantur Reformati: Zwinglius enim in exp. Fidei ad Regem Gall. Numam, Arisidem, Socram inter coelites numerat. Quos impiè defendere couantur Arminiani, & perperam excusare nonnulli alij.

Quos Rationis humanæ scepticismos, Libertinismos, & Atheismos prolixè & piè profligavit Dn. D. Hulsemann. in Tract. de Auxil. gratiæ: nec non Dn. D. Calovius in Tract. de cognit. Dei Nat.

XXI. *¶* Circa notitiam quoq; cœterorum fidei articulorum ingens philosophiae abusus occurrit, 1. Dum per eandem lux Spiritus S. accendi & Fides salvifica confirmari dicitur, quod contra Keckermannum, istius abominationis tubam, probè notavit B. Melni. in procem. Phil. Sob. nec non Dn. D. Calv. T. II. Syst. p. 49: Aliud enim est per Philosophiam juvari & acui cognitionem nostram, quam solum habemus ē Verbo Dei, circa controversias theologicas; Aliud verò per philosophiam accendi in mentibus hominum lucem Sp. Sancti. Prius concedunt nostri; post. mentitur Keckermann. in Syst. Th. L. I. c. 4. nec non in præcogn. Phil. L. I. c. 4. per quod enim medium fides excitatur, per idem confirmatur. At non per rationem, sed per verbum excitatur Rom: 10:17. E.

XXII. Sed & quia diversæ sint Philosophorum apprehensiones perpetuò dissentientes, dubia potius quam firma redderetur fides nostra, si rationibus Philosophicis, esset standum. Positò verò fidem historicam, qua etiam in non Renatos, imò & Diabulos cadit, quandoque stabiliri posse per rationes philosophicas, de fiduciali tamen assensu, id minimè verum esse potest. Non creditur, ait Ambros. L. I. de Fide ad Gratianum, philosophia creditur pescatoribus; non creditur Lialecticis, creditur publicanis. 2. Dum dominium ei in rebus sacris cuiusq; generis adscribitur:

XXIII. B. Lutherus proinde, conferre philosophia syevit Asinæ: *Afina, inquit, non est imponenda Christo, sed*

sed Christus Aſine. Huic monito gemina est sententia Anſhelmi in Epift. ad Vrbanum papam. c: 2: *Si quis potest intelligere, Deo gratias agat, ſi non potest, non immittat cornua ad ventilandum, ſed submitat caput ad venerandum.*

XXIV. II. Θεοτέρεα pietatem, præter Religionem veram complectitur, hoc est, præter veram de Deo & fidei articulis notitiam, rectum etiam Dei cultum ac universalē charitatem, quæ Deum & proximum concernit, infert. Hanc totam non sine philosophia poſſe conſtare, aſſerit temerariā impietate Keckermannus L. 1. præcog. phil. c. 4: per Philosophiam, ait, in mentibus noſtri exoritur illuſtris natura & virtutis cognitio, ſequitur etiam per eandem in nobis excitari pietatem cultum, honorem & invocationem Dei. Et paulo post: *Nec enim pietas erga Deum nec quanta huic gratia debeatur ſine contemplatione natura conſlare poſteſt.* Aſt quantus etiam hic philosophiæ in Theologiâ prodiſtur abuſus & maniſtatur error, noverunt qui docti ſunt Gentes, cognoviſſe Deum eſſe coledi- dum; ignorâſſe vero modum. Quomodo enim id cultum Dei & pietatem poſteſt accendere, quod quid ſit pietas, quid cultus Dei ignorat: Sola namq; ſcriptura hoc novit Ps. 147: 20. Taceo quod dilectio impleat legem, quæ ſi ē philosophia eſt, Mediatore non fuī opus, imō ne quidem Revelatione divinâ. Quæ & ſimilia Calvinianæ ἀνγελεως γὰρ ἐγινότο, poma, ſi non mani- feſtissima Atheiſmi ſemina in vineam Domini, Eccleſiam, proiſciant ac ſpargant, judicet Eccleſia ipta, judi- cabit olim Christus.

XXV. Quomodo vero ſpecialiſſime abutantur Cal- winiani, Pontificij, & alij nonnulli heterodoxi rationibus.

Philosophicis ad præjudicandum veritati cœlesti in interpretatione infinitorum SS. locorum fusè alij demonstrant, & peculiariter B. Meisn. in Trib. Part. Phil. sobriæ.

XXVI. Ut autem quis sciat, crassos adversariorum Errores, textus à genuinâ interpretatione detorsiones, ortas è figmento cerebri humani & superbiâ intellectus, notare, & quodammodo cavere, seqq addantur Regulæ:

I. Quæ supra naturam sunt, ex ll. naturæ nequaquam sunt judicanda. Scal. Exer. 77. Hoc est, de divinis mysterijs non est ex philosophorum Regulis pronunciandum.

II. Divina potentia non est decempedâ rationis nostræ metienda. Scal. Hoc est; Dei decreta non sunt stultæ rationis trutinâ ponderanda aut examinanda.

III. Obediendum est Mandatis Dei, quantumvis illa rationi plurimū aduersentur. Hoc est, indignum est ad eam legem redigere opera Dei, ut simul ac eorum ratio non constiterit, improbare audiemus.

IV. Ratio, immensæ Dei sapientiæ submittere sele, non tergiversetur, ut in multis ejus arcanis succumbat. Eorum enim quæ seire nec datur nec fas est, docta est ignorantia, scientiæ appetentia insaniæ species.

V. De Theologiâ ex principijs Theologiæ disputetur; Alias μετάβασις εἰς ἄλλο γένος committitur.

VI. Magnum est periculum, res fidei humanis committere rationibus. Chrys. hom. 21. in Gen.

VII. Demus, Deum aliquid agere posse, quod fateamur nos non posse investigare: intellectui n. fides aditum aperit, sed infidelitas claudit. August. Epist. 3.

VIII. Sic simus discipuli naturæ, ut credamus Prophetiæ. Tertull.

IX. Omne quicquid à Rationibus suis devium videtur, sapientes hujus seculi ad demen-tiam referunt, & à veritate reputant alienum. Cyprianus.

X. Mysteria fidei, Rationi humanæ stulti-tia sunt. 1. Cor. 2: 14. 15. 16.

Ideoq.

XI. Ratio humana erit captivanda, ut fidei obediatur. 2. Cor. 10: 4. 5. Super quem locum sic com-mentatur D. Nic. Selneccerus: *Captivum ducere intellectum in obsequium Christi, est subiungere rationem & judicium, naturam, sapientiam humanam, philosophiam, carnem, san-guinem & totum hominem cum omni scientiâ, Verbo Christi, & rebus ad Christi regnum pertinentibus.* Sicut captivi onera sustinent, & sine tergiversatione faciunt operas sibi injunctas: ita vera fides, sine omni dubitatione & contro-versia amplectitur doctrinam Evangelij & sacramentorum, quantumvis cum ratione & omni Philosophiâ è diametro purgare, impossibilis & absurdâ esse videatur: hic enim vales illuds.

illud: *avros ἔπα* Sic dicit Dominus. Et post pau-
ca: Felix et iterum felix, cui gloria Christi est cordi,
et qui in obsequium sui fidelissimi Salvatoris, omnem intelle-
ctum, rationem, sapientiam, eruditionem et Philosophiam ad-
ducit captivam, et ad pedes Christi supplex deponit, et
verbo Christi se totum subiicit. Talis homo vivus et mor-
tuus, est coram Deo Rex Regum, cum est contrario, cetera
sunt εκύθαλος et scoria, que abiiciuntur in furnum
gehenna. Non sit autem captivitas ista sine magna lucta,
immo sine gravi bello, cum in nobis tum in alijs. Et αἰχμαλωτίζειν significat bello captum abducere, et in servi-
tutem ita redigere, ut fiat mancipium. Et αἰχμαλωτος
significat mancipium ab αἰχμῇ, i. e. hasta et bellum, et
ἀλετὸς captus: experimur enim quād difficile sit ratione
subdere verbo, quā de re securi homines, qui tantum suis
phantasijs indulgent, planè nihil nōrunt, et rationem suam
non volunt esse mancipium, sed liberam Dominam et Ma-
gistram in verbo Dei, id est, omnibus stultis magis stultam.
Huic tot hominum execratio, induratio, petulantia, impre-
cas, desperatio et interitus. Proinde consilium S. Hie-
ronymi in hoc negotio probè sequendum est, quod
Tom. i. ad Pammachium scribit, p. 165: Si adamaveris
captivam mulierem, i. e. sapientiam secularem, et ejus
pulchritudine captus fueris, decalva eam, et illecebras
crinium, atque ornamenta aurium, cum emortuis ungu-
ibus seca. Lava eam Prophetali nitro, et tum requiescens
cum illa dicio: Sinistra ejus sub capite meo, et dextra
illius amplexabitur me: et multos tibi fætus captiva da-
bit, ac de Moabitide efficietur Israelitis.

Ad
Sororis meæ natu maxima filium,
ISACUM NICOLAI WEDBECKIUM,
tyrocinium suum editurum, publicè

Respondendo :

Dicitur à ridendo tuum, traducere, nomen
ISAC? Credidero nomen ē omen habes.
Ridet amena cohors, quod tres, non amplius annos,
Enigis in Latijs, dantie Deo, studijs:
Et scandis doctam temerarius ecce cathedram,
Non nisi quam assueti differuisse alij.
Non tamen absterrendus eris tu à fospite calce,
Extractum ait arcto carcere funde pedem!

L. Mq;

ENEV. SVEN. Q. G. A.
h. t. Rector Acad.

Præstantissimo atq; literatissimo Iuveni,
Dno ISACO N. VEDBECHIO. S. R. M. tis
Alumno publicè respondendo laudabiles in Philosophia
profectus ostendenti.

INde tibi ecce canam multum dilecta WE BECCHI,
Versus, cum sophiam cernis adesse sacris :
Sunt Sophiæ cultus doctæ sunt palladis artes,
Ex queis Thejologis commoda magna fluunt ;
Aonidum ad fontes video sat currere multos ;
BETà qui sapiunt non tamen inde magis.
Commoda multa ergo tulerit qui volverit basce
CHartas monstrantes quis sophiæ usus erit

Urge

Urge iter hoc; tene eumq; modum; sit régula & isthæc,
Jure etiam talem nocte dieq; colis.
Sedulus inceptis pergas insistere claris.
Usq; & eris patriæ laus tatis ampla tuæ,

L. Mg^r adjecte

DANIEL MICHAELIS
GyllenStalpe.

Grande opus aggredieris, confusus flamine sacro,
ISAC WEDBECHI Sympatriora probe;
Pulpita concendis, monstrans conamine magno,
Scilicet ut Sophiae commoda summa sient:
Serviat ast merito non imperet impia sacrâs,
Differe sic ISAC, præmia sicq; feres.

Gratulabundus apposuit
AMBROSIUS NIDULIUS.

ROscida Castalidum cui vasa ministrat Apollo,
Huic Aganippæos contingit visere colles,
Enixusq; comâ simili tum fulgurat astro,
Indeq; diffundit radios splendore coruscos.
Sic rutilæ nymphæ dum te ornatissime WEDBECK
Largè potârunt ornatæ nectare dulci,
Mox rore Aonio madefactus culmina Phœbi
Scandebas, varijsq; modis famam decorabas,
Dum specimen cunctis sistebas ingeniosum,
Exhibitasq; Theses illustrabas peracutæ.
Macte quis coepitis, virtusq; beabit alumnum,
Seraq; posteritas Encomia commemorabit.

Hæc gratulabundus subnectebat
PETRUS PLATINUS Wexiæ Smol: